

Syllabus za kurs Italijanskog jezika za početnike – A1.1 nivo

Podaci o predavaču

Ime i prezime: Matej Vrebac

E-mail adresa: vrebacmatej@gmail.com

Biografija predavača:

Matej Vrebac je završio osnovne i master studije italijanskog jezika i književnost i komparativne književnosti na Filozofskom fakultetu Univerziteta u Sarajevu kao dobitnik zlatne značke. Studirao je na univerzitetima Ca' Foscari u Veneciji i Alma Mater Studiorum u Bolonju kroz Erasmus+ programe. Ima višegodišnje iskustvo u podučavanju italijanskog jezika i kulture, prvenstveno kroz prethodno iskustvo profesora italijanskog jezika u Drugoj gimnaziji u Sarajevu.

Preveo je na i s italijanskog nekoliko knjiga i publikacija, pjesama te usmeno prevodio na raznim mjestima i prilikama. Matej se bavi komunikacijama i književnošću, piše književne kritike i osvrte, moderira promocije knjiga te ponekad grafički priprema knjige za štampu i promotivne materijale za njih. Ima mačku i dosta različitih interesovanja.

Linkedin profil: <https://www.linkedin.com/in/matej-vrebac-creativemind/>

Opće informacije o kursu:

Savršen kurs za zaljubljenike u italijansku kulturu te one koji žele naučiti osnove italijanskog jezika iz bilo kojeg razloga!

Opis kursa:

Kurs italijanskog jezika A1.1 predviđen je za sve one koji žele početi učiti ovaj jezik, ali imaju malo ili nimalo predznanja. Kreće se od samih osnova jezika, abecede te pravila pisanja i čitanja.

Na svakom susretu se obrađuje jedna nova didaktička cjelina, a svaka će polaznicima pružiti dobru gramatičku podlogu za učenje italijanskog jezika. Već od prvog časa polaznici će se ohrabrivati da govore na italijanskom uz pomoć predavača, a tokom kursa izmjenjivat će se vježbe konverzacije, pisanja, čitanja kao i zadaci iz gramatike.

Svaka gramatička cjelina bit će obrađena tako da se pređeno gradivo i usvojeno znanje može primijeniti u stvarnim životnim situacijama, što će pomoći polaznicima da progovore jezik.

Aktivnosti tokom kursa će također obuhvatiti sve četiri lingvističke vještine: pisanje, čitanje, slušanje te govor na nivou A1.

Očekivanja i ciljevi:

Polaznici će tako razviti kompetencije čitanja, pisanja, govora i slušanja na nivou A1.1 prema Zajedničkom europskom referentnom okviru za jezike te dobiti gramatičke osnove potrebne za nastavak učenja italijanskog jezika, odnosno za A1.2 nivo.

Po završetku kursa polaznici će posjedovati elementaran vokabular te osnovno gramatičko znanje o italijanskom jeziku. Bit će u stanju konstruisati jednostavne rečenice, te se snaći u određenim situacijama koristeći naučeno gradivo. Moći će se pozdraviti, predstaviti, reći nešto o sebi i o svojoj porodici te izraziti slaganje ili neslaganje.

Cilj ovog kursa je također prenijeti entuzijazam koji će potaknuti polaznike da nastave učiti ovaj jezik, bilo samostalno ili na kursu.

Materijali/oprema neophodna za kurs:

Neophodni materijali/oprema: Spazio Italia 1 (polaznici će dobiti PDF verziju knjige na početku kursa)

Poželjni materijali/oprema: sveska i olovka

Trajanje kursa:

6 sedmica

Broj sati/časova:

Kurs traje 24 školska časa.

Raspored tema:

Sedmica 1	Pravila čitanja i pisanja, Abeceda, Glagoli „essere“ i „avere, Pozdravi, Predstavljanje, Imenice, Pridjevi, Neodređeni član
Sedmica 2	Pitati i dati osnovne informacije, <i>C'è</i> i <i>ci sono</i> Brojevi, Glagoli na – ARE,
Sedmica 3	Opisati svoj dan, Sve tri konjugacije glagola, <i>Fare</i> i <i>andare</i> , Vrijeme (dani u sedmici, sati, godišnja doba, mjeseci)
Sedmica 4	Pitati za smjer i osnovna konverzacija, Modalni glagoli, Jednostavni i složeni prijedlozi

Sedmica 5	Naručiti nešto u baru i restoranu, izraziti svidanje ili ne svidanje, neki nepravilni glagoli
Sedmica 6	Ponavljanje i autoevaluacija